

# JUDAS

Judasdih jwī tūi beh joyát pínah naáwát

**¿Déhe tigaá daácniji?** Daácniboó “Weém Judas, Santiago úud wā jumna caá”, ā niíj daacáchah, Jesucristo úudbut ā jumatdih jwī jéihna caá.

**¿Detdih át daácji?** Jesúhwādih Judas át daac wahap tajī. Obohjeéhtih, dedjīh moón ī jumatdih jwī jéihcan caá.

**¿Dedmant, débólih cah, át daácji?** Dawá jéihnit “Pedro nin Judas ā daacátjidih ennit, ā jwúub daácní núodih át daacáp wut jī. Pánihna, Judas jópchi 65 (Jesús ā wunat túttimah 32 jópchi túttimah) nin núodih át daacáp wut jī”, ī niíj jenah joiná caá. Obohjeéhtih, dedmant ā daacátjidih jwī jéihcan caá.

**¿Dedé pínah tigaá át daácji?** Jesúh doonádih yee naóhnit ded pah ī naáwát, ded pah ī chājatbut ā túcatdih Judas ā wēp naóh daacáp tajī, Jesúhwā queét yeenitdih ī jepahcat pínah niijná.

Judas ded pah ā jumat:

1. Queétdih ā túyat tútat (vs. 1-2)
2. Dépanih tigaá ā daacát (vs. 3-4)
3. Yee naóhnitdih Dios ā peéh chājat pínah (vs. 5-16)
  - a. Jon játih moón biíc yoobó ī yéej chājat jíib ā peéh chājat (vs. 5-7)
  - b. Judas jum láa yee naóhnit ded pah ī yéej chājat jíib ā peéh chājat pínah (vs. 8-16)
4. Jesúhwādih caandih Judas ā cádahat tútatcat (vs. 17-23)
5. Diosdih ā pée wēi naáwát (vs. 24-25)

## Queétdih ā túyat tútat

<sup>1</sup>Weém, Judas\* Santiago úud, Jesucristodih teo wúhni, yeéb Jesúhwādih nin núodih wā daac wahna caá. Jwī íip Dios yeebdih oinit, át nífwip tagaá, áihwā ni jumat pínah niijná. Jesucristo yeebdih ā tūi wapna caá, caandih ni tūi jenah jói cádahcat pínah niijná. <sup>2</sup>Dios yeebdih búdi oi jíjgah ennit, ā teo wáaca naáh, ájeéh ni tūi jumat pínah niijná.

## Yee bohénit ded pah ī jumat

<sup>3</sup>Wā oinitá, Dios jwiútdih iiguúpna jwī bejat déejidih ā tūi ubatdih búdi daac wahíhna yuhna, mácah daacát caá weemdih náahap, bita yeebdih ī yee bohéatdih ni yap yohat pínah niijná. Pánih yap yohna, Jesucristoh bohéatboodih ni cádahca bojoó. Caandih joiná, Jesucristodih nít tūi jepahap tagaá.

Caán bohéat páantjeh biíc yoobó ā jumna caá. Á túat nūmcan níit. <sup>4</sup>Yeéb ni jéihcah yuhna, biquína yeejépwā Diosdih náahcannit, ni pebhna it jaibínap tagaá. Níjeéh jumnit, nin pah yeebdih ī niíj yee bohéna yuh caá: “Dioíhwā ni jumuchah, yeéb bita yaádhjīh ni yéej chājachah enna yuhna, yeebdih oina, ā peéh chājcan níit”, ī niíj bohéna yuh caá. Jwī Maáh Jesucristo biícjeh jumnidih yap yohna, “Caandih jepahat ā náahcan caá”, ī niíj bohéna yuh caá. Páant bohénitdih Dios ā peéh chājat pínahdih jon játih ā naáwátidih naóh yapanit it daacáp tajī.\*

## Dios queétdih ā peéh chājat pínah

<sup>5</sup>Buu nindih ni tūi jéihyechah yuhna, yeebdih wā jwúub náhniana caá. Dios judíowā Egipto baáboó jumnitdih ā bacaat túttimah, íjeéh jumnit caandih jepahcannitdih át mawap wut jī.\*

\* 1 Mt 13.55; Mr 6.3 \* 4 2P 2.1-2 \* 5 Ex 12.51; Nm 14.29-30

6Biquína ángelwádih ā chājatjidihbut ñi náhninaá. Queét Dios ā wutatdih ít jephacp wut jī. Nump maata Dios queétdih ā waadánachah yuhna, queétoó chah maata ít jumfhip wut jī. Pánihna, Dios ā jumat tútatjidih ít cádahat jíib dupúnapboó yohnit, ítah tōp panihniñih Dios queétdih át chéu jwejep wut jī. Péeni yeó jápdih queét ā chéu jwejniddih ā peéh chājipna caá.\*  
 7Sodoma tútchidih moón, Gomorra tútchidih moón, pehbhit jumni tútchinadih moonbút ded pah ít yapatjidih ñi náhninaá. Yaáhdih yeejép chājnit, neoná mícjehbut búdí yeejép ít chājap wut jī. Páant ít chājatji peéh Dios queétdih át cáo yohop wut jī. Páant ā cáo yohochah, iiguípboó jumnit, yeejép ít yapat ā bæucán níit. Pánihna, iiguípboó Dios queétdih ā peéh chājatdih náhnit, caandih nihat cáacwádih túi jephah caá náahap.\*

8Páant yeejép ít chājatji pahjeh muntih, yeebdih yee bohénitboó bíic yoobó ípí chājna caá. Pánih chājnit, “Oo jumat jíghat déedih wā enechah, Dios nin pah ā chājat túttup be”, níij yeenit, queétjeh íih bácahdih ípí yéejana caá. Jwí Maáh Jesucristodih jephacan, áih cáacwā ít maátadihbut ípí jephacan caá. Ángelwádih “Queét túicannit, dedé pínah nihcan caá”, ípí níijná caá.\*

9Obohjeéhtih, jon játih Moisésih bácahjídih ub bejihna, ángelwā ít maáh Miguel\* nemépwā ít maáh Satanásjih ít míic jūihñup wut jī. Pánih míic jūihnit, Satanás “Caán Moisésji cáacwádih ā mawachah, áih bácah wíih pínah ā jumna caá”, át níij yeejip taga. Obohjeéhtih, páant ā yee naáwáchah joiná yuhna, Miguelboó, Satanásdih naóh yaccan, “Wā Maáh meemdih ā peéh chāja naáh”, át níijjéhjip taga.\*  
 10Obohjeéhtih, yeebdih yee bohénitboó ded pah ángelwā ít jumat, Jesucristo ā wépatdihbut jéihcan, “Queét dedé pínah nihcan caá”, níijnít, ípí yeejép naóhna yuh caá. Obohjeéhtih, ded pah yeejép chājat pínahdih ít túi jéihna caá.

Nuñúpwā jenah joicánjeh ípí chājat pah, queétoó yeejép ípí chājna caá. Páant yeejép ít chājat jíib, Dios queétdih búdí ā peéh chājipna caá.\*

11Caín ded pah yeejép ā chājatji pahjeh muntih queétoó ípí chājna caá.\* Balaam\* dinerodih búdí bidnit, ā yee bohéatji pahjeh muntih, queétoó dinerodih bidnit, yeebdih ít yee bohéna caá. Coré\* Diosdih ít yap yohat peéh Dios caandih ā mao yohatji pahjeh muntih, yeebdih yee bohénit caandih ít yap yohochah, queétdihbut ā mao yohbipna caá. Pánihna, Dios queétdih ā peéh chājachah, queét búdí yeejép ít yapbipna caá. 12Yeéb Jesúfhwāboó ā oyatdih wéi jenah joint, bíicdih ñi jeéméchah, queét yeenit jumna yuhna, túccanjeh, níijeéh ípí jeémpna caá. Pánih jeémpnit, ít weñat pínahdihjeh jenah joint, bíicdih ñi túi jumatdih ít yéejana caá. Nin pah queét ít jumna caá: Mah tólihnadih johlit ā joh yapanachah, mah ā bæucát pah, “Bohénit jwí jumna caá”, níijná yuhna, túi jenah joicannit jumna, bitadih ípí teo wáaccan caá. Nin pahbut ít jumna caá: Quehe wihcanni nahna wunni pah ā jumuchah enna, ā mínah caandih ápi dug yohna caá. Pánihat pah, cáacwádih yee bohénitboó wunnit pah ít jumuchah, Dios iiguípna queétdih ā bejat túttubipna caá.\*  
 13Nin pahbut ít jumna caá: Búdí mujdih jumni búdí nolihatna muj jwéjdih moópni búdí wíijnidih ápi yohna caá. Pánihat pah tigaá, queét yeejépwā Dios ā wutatdih jephacannit, cáacwádih ípí yeejép chājap. Nin pahbut ít jumna caá: Dios ā bejat túttubipna namá panihnidih cáiwā ít bejcat pah, Dios queétdih ā bohéat túttat pah ít bohécan caá. Páant ít yee bohénachah, Dios queétdih peéh chājnit, páantjeh túbit dupúnapboó ā jumat túttubipna caá.  
 14-15Adán ā juima Enochoó,\* Dios naáwátidih naóh yapaniji nin pah át níij naóh yapajip taga: “Nihat cáacwádih nííwat tútt níijná, jwí Maáh dawá áih túinit ángelwā bíicdih ā dei jūóhbiipna caá. Pánih níionit, Diosdih náahcannitboó

\* 6 2P 2.4 \* 7 Gn 19.1-24; 2P 2.6 \* 8 2P 2.10 \* 9 Dt 34.6; Dn 10.13,21; 12.1; Ap 12.7

\* 9 Zac 3.2; 2P 2.11 \* 10 2P 2.12 \* 11 Gn 4.3-9; He 11.4; 1 Jn 3.12 \* 11 Nm 22.1-35; 31.16; 2P 2.15-16; Ap 2.14 \* 11 Nm 16.1-35 \* 12 2P 2.17 \* 14-15 Gn 5.18,21-24

yeejép ī chājatji jīb ā peéh chāj bipna caá. Queét yeejép wā Diosdih yeejép ī naáwátji jībbut ā peéh chāj bipna caá”, āt niijíp taga. Pánih naóhna, yeebdíh yee bohénitdihbut naóhna āt chāj jip tagaá. <sup>16</sup>Queétdih ded pah ā yapachah, Diosdih, bitadidihbut yeejép ipí wéhena caá. Yeejép jenah joinít, ī náahat pahjeh ipí chājna caá. “Yeéb túi joinít nī jumuchah, weém wā túi jéih bohéna caá”, ipí niijná yuh caá, bita queétdih wēnit, ī túi jepahat pínah niijná.

**Yeebdíh nin pah  
jumát caá náahap**

<sup>17</sup>Obohjeéhtih, yeéboó, wā oinitá, Jesús ā naáwát tútnitboó ded pah ī niij bohéátjidih nī túi náhninaá. <sup>18</sup>Nin pah yeebdíh īt niij bohénap wut jī: “Péeni yeó jáapna Dios naáwátidih, áih cáacwādihbut túbit deohnit, ī náahat pahjeh cáacwā yeejép ī chāj bipna caá”, īt niijíp wut jī.\* <sup>19</sup>Páant ī niijnítjiboó yeéb bícdih nī jumatdih ī yéejana caá. Queét Jesús dih jepahcannit ī jumuchah, Túini Espíritu íjeéh ā wihcah, ī weñat pínahdihjeh ipí chājna caá.

<sup>20</sup>Obohjeéhtih, yeéboó, wā oinitá, yeó jáap jumát pah Túini Espíritu ā wēpatjih wébhñit, Jesucristodih chah nī túi jenah joyoó. <sup>21</sup>Pánih chājnit, yeebdíh búdí ā oyatdih náhninit, ā oyat chah jéihyat túut niijná, ā náahat pah nī túi chājaá. Pánihna, jwí Maáh Jesucristo yeebdíh búdí oi teo wáacnit, páantjeh

ājeéh ā jumát tútat pínahdih nī wēi pánaá.

<sup>22</sup>Biquína Jesucristodih tac yoób túi jenah joinítidih nī jígah en teo wáacá, Jesús dih yoobópdih ī jepahat pínah niijná. <sup>23</sup>Bitaboó yee bohéatdih jepah jwíhñitdih Jesús dih túini doonádih nī wēp naáwá, caandíh jepahñit, iiguípna ī bejcat pínah niijná. Bitaboó yee bohénit yeejép ī chājat pahjeh muntih chājnitdih nī jígah en teo wáacá. Obohjeéhtih, pánih teo wáacat pónih, iní túi chāja chaáh! ī yéej chājat pah muntih yeebbút bíic yoobó nī chājcat túut niijná. Í yéej chājatdih búdí íf enat caá náahap.

**Diosdih ā péé wēi naáwát**

<sup>24-25</sup>Jwí Maáh Jesucristodih wən wāhat túttna, jwíit iiguípna bejnitjidih Dios āt túi ubup taga. Pánih túi ubni jumna, yeebdíh ā jéih wapna caá, caandíh nī cádahcat pínah niijná. Pánih wapna, chah Maáh jumnit, ā pehbboó yeebdíh ā nēhat tútuchah, yéejat wihcannit jumna, búdí nī wēibipna caá.\* Caanjéh Dios ā jumuchah, caandíh wēi naóhñit, “Meém chah túini, nihatdih Maáh jumna, chah wēpni, nihatdih jéihñibut ma jumna caá”, jwí niij jíh. Caán bífhmahjeh jumni, buubut jumni, páantjeh ā jum bipna caá. Páant ā jumuchah, nihat cáacwā caandíh búdí ī wēi naáwá naáh. Páant tíí ā jum nah.

Páant bóojeh tigaá wā naáwát.

Judas

\* 18 2Ti 3.1-5; 2P 3.3 \* 24-25 2P 3.14